



Vogošća, ul. Jošanička, br. 80; tel: 00387 33 586 413, fax: 586 418

Broj: 03-40-1641/17  
Vogošća, 12.10.2017. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 12.10.2017. godine donio je

**ODLUKU  
O PONIŠTENJU POSTUPKA JAVNE NABAVKE ZA IZVOĐENJE RADOVA NA IZGRADNJI  
DVA MALONOGOMETNA IGRALIŠTA SA UMJETNOM TRAVOM I KOŠARKAŠKOG  
IGRALIŠTA ZA BASKET NA PODRUČJU OPĆINE VOGOŠĆA**

**Član 1.**

Poništava se postupak javne nabavke radova, po Konkurentskom zahtjevu za dostavu ponuda za izvođenje radova na izgradnji dva malonogometna igrališta sa umjetnom travom i košarkaškog igrališta za basket na području općine Vogošća broj: 03-40-1641/17, jer pristigla ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Općinski načelnik je dana 25.09.2017. godine donio Odluku o pokretanju postupka Konkurentskog zahtjeva za dostavu ponuda za izvođenje radova na izgradnji dva malonogometna igrališta sa umjetnom travom i košarkaškog igrališta za basket na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 26.09.2017. godine pod brojem: 1353-7-3-93-3-54/17. Tendersku dokumentaciju sa portala javnih nabavki BiH je preuzelo 10 (deset) ponuđača. Krajnji rok za prijem ponuda je bio 06.10.2017. godine do 14:00 sati.

Na prvoj sjednici Komisije za javne nabavke prilikom otvaranja ponuda dana 06.10.2017. godine, Komisija je utvrdila da je pristigla jedna ponuda i to ponuđača "Nova gradnja" d.o.o. Sarajevo, broj int. knjige 201, sa ponuđenom ukupnom cijenom nabavke od 38.480,04 KM bez PDV-a.

Komisija je zatim pristupila analizi dokumentacije priložene uz ponude, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-40-1641/17 iz septembra 2017. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

Ponuda ponuđača "Nova gradnja" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- **Aktuelni izvod iz sudskog registra dostavljen uz ponudu nije ovjeren od strane nadležnog organa na ispravan način. Ovjerena je samo zadnja strana Izvoda, a obzirom da se izvod sastoji od 5 stranica bilo je potrebno ovjeriti svaku stranicu Izvoda pojedinačno-između stranica;**
- **Tačkom 7.1.2. TD traženo je da se dostavi Izjava o ispunjenosti uslova iz člana 45. stav (1) tačka a) do d) Zakona javnim nabavkama BiH ("Službeni glasnik BiH" broj: 39/14)-lična sposobnost, sačinjena i popunjena u skladu sa šemom koja je data u Aneksu 3. TD, potpisana od strane ponuđača i ovjerena i potpisana od strane nadležnog organa (sud notar ili općina), ne starija od 15 (petnaest) dana od dana dostavljanja ponude. Izjava dostavljena u Ponudi je ovjerena dana 18.09.2017. godine, dakle starija je više od 15 dana od dana dostavljanja ponude (ponuda dostavljena 06.10.2017. godine), također datum ovjere izjave i datum davanja Izjave su u koliziji;**
- **Tačkom 7.3.1. TD traženo je da se uz ponudu dostavi: a) Izjava na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine, b) Izvještaj Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja obavještenja o javnoj nabavci. Ponuđač u svojoj ponudi nije dostavio ni jednu od traženih stavki;**
- **Tačkom 7.4.2. TD traženo je da se u svrhu dokazivanja ispunjavanja uslova iz tačke 7.4.1. dostavi spisak izvršenih ugovora u ukupnom iznosu od 35.000,00 KM bez PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika u skladu sa članom 48. stav 2. Zakona javnim nabavkama BiH ("Službeni glasnik BiH" broj: 39/14).  
Ponuđač je u svojoj ponudi dostavio spisak izvršenih Ugovora ali bez iznosa u kojima su ti ugovori realizovani. Ponuđač uz referenc listu nije dostavio tražene potvrde o izvršenim ugovorima od strane krajnjeg korisnika u skladu sa članom 48. stav 2. Zakona javnim nabavkama BiH ("Službeni glasnik BiH" broj: 39/14);**
- **Tačkom 7.4.2. pod b) TD traženo je da se dostavi:  
- Kopija diplome, kopija uvjerenja o položenom stručnom ispitu za jednog inženjera građevinske ili arhitektonske struke (VI stepen) i dokaz o radnom iskustvu i radnom angažmanu, ili kopija diplome i kopija uvjerenja o položenom stručnom ispitu za inženjera građevinske ili arhitektonske struke (VI stepen), dokaz o radnom iskustvu i radnom angažmanu,  
-kopija diplome, dokaz o radnom iskustvu i radnom angažmanu za lice koje ispunjava uslove za obavljanje poslova poslovođe,  
-kopija diplome (svjedočanstva) za 1 (jedno) lice sa odgovarajućim stepenom obrazovanja za rukovanje mašinama, uređajima i opremom, ili uvjerenje o stručnoj osposobljenosti za rukovanje mašinama, i dokaz o radnom iskustvu i radnom angažmanu,  
- kopije dokaza o radnom angažmanu za 5 (pet) NK radnika.  
Ponuđač u svojoj ponudi nije dostavio ni jedan od traženih dokaza;**
- **Tačkom 7.4.2. pod b) TD traženo je da se dostavi Izjava ponuđača da ima u posjedu odgovarajuće građevinske mašine (mehanizaciju) i opremu potrebne za izvođenje predmetnih radova sa priloženom inventurnom listom ili ugovor o najmu shodno tački 7.4.1 C -Aneks 6. Također je traženo da se dostave kopije važećih upotrebnih dozvola i kopije važećih saobraćajnih dozvola za tražene građevinske mašine i tehničku opremu shodno tački 7.4.1 C.  
Ponuđač u svojoj ponudi nije dostavio traženu inventurnu listu ili ugovor o najmu. Također nije dostavio kopije važećih upotrebnih dozvola i kopije važećih saobraćajnih dozvola za tražene građevinske mašine i tehničku opremu shodno tački 7.4.1 C;**

- Tačkom 8.1.4 TD traženo je da sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude ("Službeni glasnik BiH" broj: 90/14). Ponuđač je propustio da numeriše stranice svoje ponude kako je propisano odredbama člana 8. stav (6) i (7) Uputstva za pripremu modela tenderske dokumentacije i ponude.
- Članom 58. stav g) Zakona o javnim nabavkama BiH ("Službeni glasnik BiH" broj: 39/14) propisano je da je sastavni element svake ponude potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji.  
Uvidom u aktuelni izvod iz sudskog registra priloženog uz ponudu, vidljivo je da je lice ovlašteno za zastupanje ponuđača Alić Dino-direktor. Svi dokumenti unutar ponude potpisani su od strane Elmire Šikalo, a nije priložena punomoć u originalu ili ovjerenoj kopiji u skladu sa odredbama člana 58. stav g) Zakona o javnim nabavkama BiH.

Shodno iznesenom, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke za izvođenje radova na izgradnji dva malonogometna igrališta sa umjetnom travom i košarkaškog igrališta za basket na području općine Vogošća, iz razloga jer pristigla ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Nova gradnja" d.o.o. Sarajevo
2. Nadležnoj Službi
3. U dosije
4. a/a

033/424-560



OPĆINSKI NAČELNIK

EDIN SMAJIC